



→ AGLAIT ←
ILLUNAINORTUT. ↗

Nr.27

Nain,

Mêrz 1906.

Nr.27

Engelit kivgartorninga ñik.

Jârit ikkitut mattoma sivorngane Dênit nunangane, pikkariktomik âniasiorTekalaukrok, kanimajut âkikattarpait assime pijungnangitangit; piluatomik kanimajut ki'ertaujuksat kilerkârlugit âkikattarpait. Taimailiorkâranele Gûde tuksiarvigivâ ikajortaujomavlune tapsomunga. Tamaña pivlugo Gûdib sullitsiartipâ sapputillugolo nangianartunit. Illangane unuangotillugo kairkojauvok kanimajunut kanitaminêlungitunut. Taimaimat kemuksikut aksaloalikut uniartaujokut horsinut takkojartorsongovait. Unuat illangane kanimajok takkojartorkârlugo angerarpok. Apkosineâlungme kôrukut nerokitokut ingergajuksauvok, kemuksillo maggoit parutikpatta, serlak seniagôrungnarput. Kôrub tamattoma kerkanêtillugo kemuksertingata okautivâ: „Nâlegak, horsîk sângangne Engelekarpok tikkoartomik apkosiniub tallerpianut.” Tagva âniasiorTib kiovâ: „Mallituinaruk kemukserlutillo tallerpingmut.” Tallerpingmuatainarmat, horsîk aksalloalingmik kemuktûk, nujoartûk sukkalidlarlutik kaglilerpuk, âniasiorTikkullo senniagôrpaik kanoetokaratik. AniasiorTikkut tallerpingmuarajalaungipatta, mikijolungitomik

kanoetokarajalaukrok. Taimak tattamnartullivluné Nálekab sapputilaukpait. Illa ajornivut pivlugit takpênajangikupta, uvlut tamaita tautugajarpogut Nálekab inukotine sapputingmagit nangianartunit unuktunit.

H. Simon.

A n g a j o k a u k a t i g ê t.

pigannertok.

Issumat taimaitut tamarnartut illanginik tussalauktamnik taisiniarpunga.

Inuit illanginut angajokaukatigêt issumagijaulaukput, nunapta attaninganut illijaunajalaurunik sôrlo, „polisitut” pitsartunekarasugijauvlutik. Tamannale tamarnammarikrok. Polisinik illijaujokarajarpat Labradoreme, attanermut attanerusermullônêt kissiane illijaujungnarajarpat ajokertuijersoarnuungitorle. Ajokertuijersuit pitsartunekangilat nunab attaningititut, pitsartunekartitsijungnanginivut tagva kinamik taimak. Kujalidlarajarpunga, taigusek taimna: polisit attorungnairajarpat akkunaptingne, nellautsingimaringmat. Kivgaitaipainginut taigusermik „Englisitut” attoromagupse, tagva „assistant” nâmaluarkôrok.

Illanginut angajokaukatigêt issumagijaulaukput, aulatserkojaunajarunik sôrlo tamainik Labradoreme, angajokâkarungnailutik sorlo kinamik. Tamanale tamar-narmarigivok. Angajokaukatigênik taijaugalloarlutik angajokaukatigêktuksaugalloarlutik angajokauningat illingavok illagênut inungnut, nangminerle angajokâkarivut ajokertuijunik angajokâptingniglo

ajokertuijersoarniglo.

Illagênik (inungnik) illagêllo perkutigijanginik angajokaukatigêt aulatsikataurkojaugalloarput, malligaksat okpertokatigêngniptingne illûnaine attortut malliklugit. Aulatserkojaulungilalle Missionib perkutinginik angajokâllo Londonemêtut perkutinginik. Ajokertuijut niuvertillo pimajigivlugit ajokertuijersuit angajokâllo Londonemêtut aulatsinasuarput nangminek nangminerijamingnik — opinaratik. Taimailinganiarpok, illagêt Labradoremiut nangminek akkilêjungnalerkârtinagit pijariakartamingnik tamainik, sakkertitsijungnalerkârtinagillo ajokertuijunik akkunermingnit patangaitilugillo, ikajortaujariakalerkârtinagi'llo illagênut akkianêtunut. Sunamigle tussugijauluartokarpat illagêne, sunamiglônêt issumajârutigijauluartomik, angajokaukatigêt okarkojauvut, ajornangipat nâmagijaukpallo piniarutaukovlugo okiglititaukovlugolo. Aksorornermulle aulatsijomakojaungimarikput illagêt pigingitanginik.

Amma okarivunga: kivgat angutillo illagênut annerijau-majut i l l a g ê k l u t i k angajokaukatigêngmatta. Imaingilak, kivgat katimavingmut kissianut, anerijaumajullo nunab pinginut kissênut illinganajarpatta sôrlo. Taimak issumagijaulungilat. Angajokaukatigêt pijaksangit illûnatikassait illingavut illûnainut, kivgartornek katimavingme kissime illingatitauvok kivganut kissênut.

Okauserijakka kamagitsiarupsigik, tukisivose, tussunammaringmat, illagêt anerosurkovlugit akkunermingnit angutinik sillatojunik issumagiktuniglo illusitsiariktuniglo pilloriktokutaujuniglo. Neriiummarigalloarpunga,

okauseriniartakka mánna nellautsititaujariakarkcragit kangalónét, kiglilingmigle okartuksauvunga imák: Angajokaukatigét illangat inertertaukattaralloarlune akkerar-tornénarmik iktoriktainermiglo attorajarpat kablunénut, taimaitok ajornarajarpok pèrkojaunajarpolo angajokaukatigénit, ajokertuijersuit illijilauktut pitjutigilauktangi-nik serkomitsituinarmat.

Nain, November 1905.

A. Martin.

A t t i t .

Jonatan Gúdib tunergutinga, Kristian Kristianelo
 Kristusemiok, Salomo ullapirsaijok, Simeon tussartau-
 majok, Stefanus niakût, Teofilus Gúdib ungagijinga,
 Tobias Nâlekab pitsiarninga, William Wilhelminelo
 saputjijok, Otto pilloriktok, Marta kiksartok. A. M.

K i g u t s i t . (Nr. 25.)

1. II. Samuel. 21, 20.
2. Takkek uvloritjallo taijaugalloartillugit v. 4 me sek-
kinek taijaungimat.
3. Hiob 30, 30.

I s s u m a n a r t u t .

4. Angutinit Testamentitokab nelliuningane inô-
lauktunit pingasut taijauluakattarput Testamentitâme,
Nelliangôvât?

5. Nane aglangne kilak aupaluktak taijauvâ?
6. Kenneritse Jesusib okausingita illanginik, sôrlune
(sôg?) apperingmat illiniartunik!